

治

鮮

集

徭役畧

市集畧

治鮮集卷之二

閩莆陽林

慎封畧

兵有太武王代之意

昔成周受命既歷三紀經文武成王之治周公君陳之化  
天下太平四方無事而康王命畢公保釐東郊諄諄以申  
畫郊圻慎固封守為重而先儒吾鄉蔡文定為之說曰疆  
域障塞歲久則易湮世平則易翫時緝而屢省之乃所以  
尊嚴王畿王畿安則四海安矣然則處王畿之地當太平

之時者凡尤當加意也。而宋孫子容先生有言。州邑他官  
能捕盜不能使人不為盜。能使人不為盜者。唯令耳。則為  
令者。常為保障。而不當為繭絲。可知也。然而居官者。疇無  
撫字之念。寬徭息爭。務徒與民休息。始之至慎。防之術繼  
之寡。戕摘之方。或有奸宄之警。竊戾之虞。雖欲緩民。而民  
卒不得緩。可念也。緩之之道。在於防與緝而已。防所以為  
緝。緝即在於防之中。防之若何。一在脩城壕。一在完砦堡。  
一在練快壯。一在慎守宿。一在謹啓閉。一在連鄰村。一在

發保甲余下車日巡閱陴樓女垣週遭內外凡壞者補之  
脆者築之壘之卑者增之塹之平者濬之而城壕浚矣新  
邑東南有南蘓之堡東有壘頭之堡西南有張家庄之堡  
南有馬頭之堡堡各立墩臺余既為脩葺復授以斥堠援  
應之策而城堡完矣新邑無額設之兵凡馬快民壯皂班  
余皆點選精壯者充之則庶人在官者即唐府兵之制矣  
守宿之慎不特邑之庫獄宜然即解運上需在境內館舍  
者鈴柝之聲徹曉漏者矣新最當孔道佩弓矢騎馬者每

多非時埴澤之叩。往往城下呼。聲甚厲。雖有郵符。亦未敢  
遽納。遠懷郵。燁火明燎。遠之守。啓閉之司。其可易哉。北地  
曠而人稀。盜賊易於藪匿。久則滋蔓。余親至各村。落諭以  
守望相助之法。若某村有賊。則號炮一發。隣村則號炮應  
之。頃刻之間。諸村各遣設伏於要路。率壯健子弟。逐之縣  
間。炮則領馬快民壯家丁出捕之。盜一發而成擒矣。不應  
者。即坐以通盜之罪。此即變昔擊鼓相應遺法。鼓不如炮。  
因其時與地則然。而鄉村自為連結矣。保甲之行。今日視

為故套善哉申公之言曰為治者顧力行何如耳夫保甲  
之法詳於王文成文成之平大寇靖大難其已事可知也  
然書言慎封而本之旌別淑慝表厥宅里彰善癉惡樹之  
風穀即善言保甲之法也且嚴保甲而緝獲逃人之事於  
是乎出逃人之事新律最嚴予謂百姓非不愛惜身家豈  
其扞文網者徃徃愚而陷於不知也始至即申諭以憲令  
當遵身家當惜期望至約講所每諄諄面諭之百姓頗知  
畏奉然猶恐奸黠借此為逞私仇讐借此為構陷株連而

不得白者有之。况恒地之民。離居失業。流離遷徙者。或占藉於此。亦甚可憫。又慮為逋竄者。挾詭。余每細窮其居址。親戚。即移關會。以驗虛實。不敢輕易族解。其詭詐畢露者。始以解部為。余下車之日。有邑生為東人所株。幾為覆盆。余力為全之。此生竟以是秋舉於鄉。向非特為開釋。則翔空薦鶚。遂羅弋人矣。然而巨猾大盜。善竄逸。如彭三者。往往又皆擒獲焉。初彭三既遁。莫可窮詰。部符臺檄交下。郡州邑各行捕捉。至是始獲解部。至中塗。即有數騎與之耳。



讀其  
為感  
不置  
何  
況千  
身家

語移時。賴防送人衆。竟不得脫。蓋余早知其寔繁有徒。先  
為脩故也。昔漢趙廣漢。張敞。歿奸摘伏如神。每所捕殺。以  
數百計。然其中豈能盡無辜哉。余嘗懷此意。故所解部。逃  
人男婦百餘名。皆批迴在卷。使非先為百姓申諭。舉首無  
隱。若遭十家連坐。則所解百餘起。已塗炭千家。新之民幾  
何。而堪此耶。又凡逃人。遁解上下往來。必經縣投結。雖於  
縣無與。余欲得其情。多委曲問其來由。視之唯謹。見有情  
可憫者。常稍賑佐之。如存異紀所載鄭生經邦一案是也。

古今有  
利民而  
遠為病  
者墨  
張皇  
字

以與集

蓋余於株連之人力為矜全不得者必令防送善視之往  
往得蒙豁釋亦足見朝廷好生之德而吾輩之尤宜恪  
體者矣夫防不在於張皇一涉張皇則必至疲民力費民  
用保障而不變為繭絲也幾希至於緝獲一事體君父好  
生之意不欲濫及寔置功過於度外而心血幾枯有終難  
為言者爾

每發一議必溯源窮委每建一事必興利無弊疑齋嘗  
言學道入門功夫祇在鍊念頭鍊念頭即儒者所謂防

意如城也。讀慎封畧井井有條。百里春風不異。湛然方寸中。亦可謂防城如意矣。余未也評。

慎封在吾邑為最。而女為最難。以他邑未有衝且疲若吾邑者。衝則難不易詰。疲則澆心易生。林父以防與緝行之。而未雨綢繆。鳴皋遠屏。春和布氣。鷹鷂載化。此篇為公之治畧第一。即為公之治狀第一矣。陶與參評。

從業立  
業有  
無業者  
餘條  
之初明  
一緩急  
間難言  
世可行  
也

徵賦畧

語云。催科無善政之語也。仁人聞之。而滋惻矣。催科者。乃朝廷必不得已。而不得行之事。有司以考成為重。奉行安敢不力。貴得體察乎法之內。復體察乎法之外。以宣布朝廷德意。誠神明其用。緩急其術。使閭里小民。於因時少舒。苦中得樂。鼓勵輸將。此道蓋聞於古。慈惠之師。竊嘗慕之矣。予蒞新邑。見徵比之法。舊失其方。奸弊叢生。亦其勢也。如十三社。各設一總。傳以催十季。又設幾十季。以催花

戶花戶零星散處足跡不履公庭遇追比急則總傳十季  
先於富家典舖先為之完納迨至秋收之時到花戶家清  
算應納錢糧並所兌之利息及赴比時歇店騎驢飲酒食  
飯等費勢不得不浮於正額矣總傳十季即兢兢守法者  
諒不能代賠其利息若不肖者藉口而橫索之中人姑忍  
而予之耳悍者窮者則諍縮為既盈諍無為既有爭而訟  
舉無足憑又每杜各設一收糧者謂之收頭收頭本日所  
收多寡自合總而封之點入官庫官按簿而兌之應解者

許  
嘉  
興  
縣  
志

解應給者給官府庫吏並不識民間所入於收頭之手者  
幾何無所稽察里長只給收頭一小私帖至季之終歲之  
暮清算之時爭辯有無完欠真贗多寡莫可依據此總傳  
十季門頭收頭之通弊也蓋緣新邑舊規相沿習慣收銀  
不設櫃納銀不給票花戶不赴比里長多包攬職此之故  
也余始設印票三連一存官一付櫃頭一與花戶設木櫃  
收銀當堂而寫兌過即投櫃投過即給票花戶不論多少  
准自兌訖執照而去總傳十季不得而索之收頭不得而

欺○之○即○花○戶○亦○不○得○而○混○淆○之○數○者○宿○弊○除○矣○又○各○社○有  
書○手○一○名○司○赤○曆○簿○掌○管○人○戶○田○產○變○易○之○事○每○季○一○造  
冊○謂○之○小○赤○曆○夫○徵○賦○之○例○有○上○有○行○差○有○寄○庄○有○優○免  
既○各○不○齊○矣○而○小○赤○曆○又○四○季○更○張○亦○各○不○齊○矣○將○數○目  
長○短○出○入○彙○縮○於○其○間○乃○便○於○開○私○竇○也○官○取○四○季○冊○而  
較○之○責○其○互○異○但○曰○使○總○數○不○差○則○亦○已○耳○夫○總○數○固○不  
差○雖○無○損○於○公○家○但○操○數○之○逞○割○紛○更○長○短○出○入○彙○縮○皆  
出○入○於○社○書○之○手○其○間○樸○而○貧○者○陰○坐○因○富○而○黠○者○覓○便

宜何可為訓耶。予令之一年一造冊。四季若一轍。開除新  
收。則按印券而定。上中下則不得隱漏而過。故社書之宿  
弊除矣。若此者。皆休察乎法之內也。法應如是。各州縣多  
有舉行者。不獨新邑為然。但新邑從不行之。行之方自予  
始。民初以為甚不便。今則以為甚便。不可與慮始。而可與  
樂成。民情豈然乎。若夫法之外。又不可以無其意也。夫一  
朝之計在寅。一歲之計在春。而春糧徵比尤難者何也。凡  
人家春日所需者。皆去冬卒歲之糧也。新邑沙土磽瘠。泉



府竭烏人家蓋藏鮮有越宿延至經年亦更罕矣且春日  
農功方作有種子恐不給者有牛具恐不給者若春間責  
之過嚴勢必賣牛鬻種以完糧田野其荒秋成何望哉每  
年三四月間民更困憊所謂青黃未接此其時亦甚可憫  
矣予每行田間詢疾苦或給之牛具或給之種子追收之  
還不還置勿問也夫亦以稍抒吾願耳若無一畝之地不  
耕無一夫之不得其所則此願豈易了哉至於夏五月麥  
田載浪滿望傾黃徵收夏稅此其時也但此地隔年種麥

者十室有四五耳種瓜怕雨種杏怕風即風雨醜和瓜杏  
成熟者亦十室有二三耳未能家給而戶足也必計其里  
社所屬亦鍾籌車若而何分別輕重以為較較者校也懲  
一以警百使相效法而輸納也迨秋成之後何所辭其責  
黍稷稻粱木棉蕎麥梨棗之屬俱告成於此際雖有良馬  
未免如鞭亦其勢也委而過此以往抑又難矣冬之日於  
風沙冰雪中不能不費追呼朴責令完足以報歲終然而  
為民父母者之心其寔益以悲矣若此者皆體察乎法之

外夫亦觀乎其時也。若夫各社之人民風氣堅愚淳薄又  
各不同等。並不論豐歉與貧富。豈無富之家。豐之候。偷安  
吝惜。不前上供。豈無貧之家。歉之候。而百計拮据。完納在  
先。此關乎社之分風氣相尚。賢愚相去。淳薄相形。亦大槩  
可觀矣。如在城社。木村社。人戶多屬沿之東北一帶。烟火  
人家。桑麻相接。什之六七。其在西南卑濕地。十之一二耳。  
故在城木村二社。歷年正額舉不虧也。然中同社。人戶西  
南居多。東北居少。亦歷年正額不虧者。存乎其人耳。甚可

嘉尚也。若孔村社分上下。其田畝俱是西南。歷年苦澇。則同也。而孔村上之糧不缺。孔村下之糧多。迥異者何哉。亦存乎其人耳。故比上宜恕。比下宜嚴。水火相濟之道也。名村古稱美社。今以為累社者。以其地全乎西也。傷殘既多。尤堪憐恤。或於別差加意垂慈耳。中心藏之。不可以示之也。起而援之。遂生怠玩。亦不可行也。東庄盧家東田三社。亦稱累社。然地不純。處乎西。近日脩河以後。逃者歸耕。荒者復業。稍有起色。與昔又不侔矣。青同社雖是澇地。其

人戶多在鎮城亦急公肯前寄納。但十季每以地遠隔屬  
為推托。歸詞豈盡足信哉。惟張村社所分無多。所屬只四  
村。地近易催。里長不盡一目之力。已走遍四村。傳宣赴比。  
柴里社人戶雖純。處乎西南一帶。然貧而好義。有古風二  
社至省刑也。東陽上下錢糧少。而人戶散處西南居多。東  
北為少。每逢比日。點次居後。多行寬恕。渠相謂比較不我  
詳也。幸自寬假者有之。如有時抽比。有時自東陽湖回。而  
上渠亦何所適哉。此法外意也。夫村有遠近。則到有早晚。

宗憲  
得勝  
記典  
制得  
北後  
見

而○地○有○燥○濕○則○完○有○難○易○人○存○淳○頑○則○責○有○輕○重○社○有○後○  
先○則○比○有○詳○畧○且○新○色○徵○比○之○名○不○一○矣○如○狐○狸○皮○地○畝○  
花○絨○皆○以○本○色○解○京○比○之○惟○其○時○宜○至○於○雜○差○煩○冗○零○星○  
者○繁○行○賠○墊○並○不○派○及○里○社○寔○自○予○始○此○等○皆○法○之○所○不○  
及○載○惟○以○意○行○之○意○無○盡○法○亦○無○盡○是○在○後○之○司○牧○神○明○  
而○用○之○耳○

只○體○察○乎○法○之○內○復○體○察○乎○法○之○外○二○語○括○盡○徵○賦○肯○  
綮○至○於○釐○剔○宿○弊○設○立○新○規○按○社○里○以○助○緩○急○因○習○俗○

以施寬嚴。上不缺。供下不病。民古稱為上為德。為下為  
民者。公得之矣。邨書齋說

山漢手筆

國家方底定六服。至於隅濫。罔不入版圖。奉正朔。凡大師  
往來。徒旅供饋。文移檄奏。人乘芻餼薪水之需。皆於郵乎  
出。故今日之苦。尤在驛站。而恒郡當九省之衝。視他處為  
尤甚。新樂又當恒郡之衝。地最小。民最貧。視恒郡為尤甚。  
故徒旅供饋。人乘芻餼薪水之需。皆應不缺一難也。凡往  
來人衆。風馳雲湧。忽日輻輳。公館散處。各色支應。迅呼立  
辦。二難也。供應雖有額設。而趕馬負芻。熬汲鈴柝等役。不

新刻卷  
蔡鼎  
鐵板類  
公整類  
平書屋  
臨均在  
未分卷之



無騷動民間三難也。以今日極苦之司而處兼難之地。是以曩年西樂驛驛官以呼召不靈。又撻辱交加。因而逃去。當日已不堪其難矣。今經裁革驛丞驛務皆歸縣官理之。予於此不勝兢兢。惟恐弗克次第整頓也。驛莫苦於夫役。額設者有數耳。每遇大差數百名。勢不得不催覓以足之。而以時以刻計程限者。無如解鮮竹。解竹港。曰公家所急。需也。必亟供命。至於解銀。則道里不敢以早暮差池。必護送。惟謹。解藥材。解紬疋。必敬視其行李。燥濕而最重者。

不時來  
公謹慎  
亦為陰  
陽地吉  
所在

又無如解鉛鐵備牛弱車故不敢行也必輕重而較之其數而始付之尤關係者遞解募人與夫解獲巨寇及賊流徙徙之輩過此信宿必親視其飲食精察其械綫慎密其居處多遣其擁護出境而後即安凡此皆僻隅邑令所經年不一見者而衝途每日數起豈不難哉而驛遞又莫要於養馬一事予蒞任交代驛內疲馬止四十九匹其能行走者只十三匹陸續行差倒斃不一月而殆盡令節次買足驛額七十四原數外復買七十餘匹已逾一百四十

不責績  
責得中  
有伯同  
幾輩  
諸人在  
角

餘匹每按馬政及相馬諸經時其饑飽視其肥瘠小差則更番休息軫恤馬夫又督課其賞罰庶殘驛稍有起色夫衝途之官以驛為政驛之政以馬為命故每得一馬則心稍安馬蕃息精壯則心益慰雖隆冬盛暑夜恒數起課圉人勤視芻秣棧豆恐其不足凡皆為啣命往來者計耳啣命往來者相體念固有之其不然者於是有越站之事於是有折夫錢恤馬錢之名越站者馬既充數或不廢谿壑輒以為羸劣不堪乘虐撻馬夫將南來之馬越至北驛北

行 陸 參 少

來之馬。越至南驛。馬往往倒斃。則驛與驛相為追賄。恤馬  
錢者。今既成例。苟一違例。不論烈日雨雪。一跨鞍。墜疾加  
亂。鞭。瞬息數十里。馬力竭矣。而馳騁不休。馬之死者十二  
三矣。東野子之言。誰為進之。折夫錢者。如夫已足矣。又於  
中選強有力者。加重其擔荷。是使一夫兼兩夫之用。而剩  
一夫折一夫之錢。稍不如其所願。則鞭笞鎖鈕。夫頸謂夫  
罷弱。舉不堪用。而小夫肩百餘斤。超數十里。稍不進。前則  
鞭笞如雨。下故折夫錢。恤馬錢。不能不與之者。求寬我夫。

對商官  
 民府若  
 亦在官  
 母在民  
 可也  
 人之

恤我馬也。若此者與之苦。在官至支應所需。咸民間物力。雖官給之價。而或遲緩。或少虧。或經奸胥之手。而販夫販婦。不沾寔惠。不有以處之。則苦在民矣。予乃設支應一簿。給管支者錢。使一依民明價值。先時給之。而後取大。而鋪設。卧具。細而醃醬油鹽。皆登紀。循環十日一銷。隨取隨給。絕無行戶之累。至如經過大差。或以衣幣鞍韉為名。每有所需。索不有以應之。則咆哮鞭撻居民。與其苦在民。毋寧在官。姑量有以應之。囑其毋徒若我百姓里居為若此者。

則○苦○不○在○民○矣○。至○於○所○發○買○薪○草○料○豆○。以○答○應○行○差○。以○養○  
馬○。日○費○薪○草○百○餘○束○。料○豆○十○餘○石○。皆○發○現○價○。如○市○平○買○。毫○  
不○虧○短○價○值○。出○入○有○稽○。不○使○妄○費○。亦○為○天○地○愛○此○物○力○耳○。  
南○關○外○有○冰○。却○雨○河○。端○洄○迅○急○。解○凍○之○後○。雨○多○水○溢○。往○來○  
壅○滯○。停○騎○駐○輿○。呼○渡○者○喧○然○。汀○際○其○強○者○奪○舟○。舟○子○不○任○  
鞭○箠○。中○流○多○逆○去○。其○弱○者○招○呼○舟○子○。舟○子○亦○因○之○以○為○利○。  
予○每○歲○造○大○船○。到○者○竟○渡○。無○阻○候○之○艱○。禁○需○索○之○事○矣○。橋○  
制○草○橋○短○窄○。車○不○得○方○軌○。馬○不○得○列○騁○。今○捐○俸○添○買○巨○木○。

通志  
卷之  
四  
官制

增長加潤。坦如周行人。無病涉矣。但秋冬之交。亟需橋。橋  
遲數日。則沮寒至。早行者履霜矣。春夏之交。亟需舟。舟  
遲數日。則暴漲至。淺者苦厲。深者不敢問津矣。于於舟橋。必  
先期早脩之。夫衝途之官。不特上之供應師旅。迎送臺司。  
即商旅往來。亦當體念道里遼遠。炎蒸霜雪之勞。仰遵吾  
朝廷柔遠之意。誠恐非常軫恤。疾苦使一介行李。不虞燥  
濕。貨物無滯。戒心無患。商旅自通矣。總之驛站之事。供應  
不缺。迅呼立辦。亦未足為難。惟不病民間。為尤難。故於蜀

餼薪號之需皆平昔積價。即橋木一項。往者歲一歲買。剩者及撤者。付之不問。其虛糜民間物力。可謂不貲數年。以後則諸山其童未可知也。今擇材大而完固者。既不易壞。撤之則計若干。與前取剩者俱登號簿。以備貯用。故歲歲更脩。未嘗有所更費矣。然新郵之苦。不但今日。明嘉啓間。牧是邑者。題於西察院。虛白堂云。今天下莫苦於驛。遶尤莫苦於畿南之驛。遶蓋九州冠蓋。率取道於同途。四應輪蹄。日奔馳而不息。差繁夫劇。馬倒夫逃。官司常疾首於衝。



此都寧  
功家大  
也非徒  
玄公不  
青蓮非  
蘇父  
此

疲里甲盡攢眉於幫貼所異仁人君子俯賜矜全少留不  
給之需便是無疆之惠如夫已足矣囑家僮無索損頭之  
錢馬若備馬飭使者莫取鞍前之費大飲小飲諒主君不  
曉得一言分付則造福無窮折騎折煎豈貴客所為存片  
念稽查則流恩非淺至若米麵油鹽茶湯蔬果係窮民膏  
血縱不豐不脩幸寬罪同庖盤孟棹椅毡帳簾帷關百姓  
身家須相愛相看好交還掌記旗幟惟行戎乃建似不宜  
違制典而施施當前鼓吹奉 聖旨都裁亦安可悖明綸

不○樂○慕○武○道○但○念○做○秀○才○時○光○景○則○知○為○官○長○日○分○涯○苟○  
存○物○力○於○朝○廷○可○倍○福○緣○於○身○世○蓋○鮮○虞○之○館○垣○西○蔡○  
院○尤○為○宏○敞○凡○皇○華○駐○節○者○百○餘○年○來○吟○咏○相○續○四○壁○盡○  
成○珠○璣○其○道○民○情○之○苦○與○衝○邑○之○疲○者○若○有○六○宗○公○詩○尤○  
為○至○切○云○新○樂○城○頭○寒○色○偏○幾○家○草○色○起○炊○烟○中○峰○暝○日○  
陰○雲○合○斷○壑○淒○風○夜○火○連○落○雁○盡○浮○流○水○去○饑○鳥○猶○集○戍○  
樓○邊○可○憐○鄭○俠○圖○千○紙○爭○似○淮○南○持○節○年○倘○輶○軒○使○者○觀○  
風○采○以○上○聞○不○減○鼎○臠○中○二○月○之○詩○矣○

驛過之苦。至今日而極。新邑驛過之苦。至今日而尤極。讀茲篇。不啻監門之繪圖也。至末引前賢留題一段。痛快剴切。昔張乖崖問范延貴。天使沿路來還。曾經州邑。有待人否。延貴曰。昨過萍鄉縣。驛傳橋道完葺。田萊墾闢。至縣。塵肆無賭博。市易不敢喧。夜宿邸中。聞更鼓分明。以是知萍鄉令張希顏善也。乖崖曰。希顏固善矣。天使亦善也。此重公衆。凡為驛路有司。凡為皇華使者。俱當識之。齊齋詩。

聽讞畧

此易在東王之外

易曰天與水違行訟則聽訟者當觀天水相溼澄渟浩蕩  
物來自照而訟得矣夫澄渟則纖影莫遁浩蕩則生類有  
容訟之大者殺越人於貨與殺人傷人戶婚田土之事聽  
訟則自上司批審會審以至本邑自理之事每遇一批審  
至心如擔重負然如子路有聞未之能行唯恐有聞景象  
岌岌業業待關取齊到即面鞠之又慮其執已見不符年  
見也抑又慮其徇上見也天子曰殺之三庭堅曰宥之三

無我相  
無人相  
便可成  
道人

見去我  
見便何  
無欲

公新  
民不  
清後  
去是  
勿

則無徇之之病矣。會審則及期必至。會所寧我先。勿為人  
後。而辯析反覆。寧我後。勿為人先。蓋虛以察之。公以體之。  
若登高而望。鳥靡不玉觀。然後片言以斷之。則無徇人見。  
與執已見之患也。獄之事。其可易言哉。新民多不量力而  
喜訟。若赤子無知。持片紙為嬉戲。及自投坑陷。奔而始哀。  
號悔悟。豈不足悲。夫子下車。為申諭。不當再三。性例堂規。  
清辰投文。未及而訊。凡一切詞狀。並收入衙齋。從容斟酌。  
之揣摩之。然後下筆批判。登號越翼日。而後發行。閭閻小。

民從數十里來，鵠立而覓望。已共三日矣。若有公務，或過此，留中不發。鄉閭小民，又不勝等待居停之苦。與追當訊之時，兩造俱備，各吐真寔。與初進詞狀中語，迥不相謀者，何也？詰之，故則曰：我等並不識字，詞狀乃代書書之也。方知向日之在衙齋，斟酌揣摩，有同射覆，難中真寔也。不若於投文之際，即逐名點核，面詢其事之始，與其時證之人，與其物，往往虛以體之，靜以照之，不敢疾言厲色，以呵之，恐下情憚懼而不得盡露所苦也。觀其顏色，聽其語。

此信  
應與  
不與  
風矣

言已十得其八九矣。果可以不再鞫而定。即面付其原詞。或令親朋里社公息而止。以厚風俗。如必不得已。乃或遣人與之同往。至於處家庭骨肉間。或有嫌忤。慮其怨隙遂成一離。不可復合。嘗以至性感動之。以法懲之。又其次也。凡兩造俱脩。即為鞫訊。訊畢。即示以審詞。有時至經月。未嘗有贖鍰之間。速鞫者。慮妨民時也。免罪鍰者。為恤民力也。即示以審詞者。恐其為左右所欺也。至於人命賊情。服念五六日。未嘗即安。以為死者已不可令寬。不得伸啣痛。

於地下。柰何捕風捉影。令生者終身有覆盆之悲乎。即余  
於新所讞數事者。猶可概陳焉。孟中芳者。潯九家養子。寧  
晉人。寓木村。歲暮夜行。習家庄為盜所殺。時張機奇騎而  
道。經見曠野數人。伏於莽。日已夕矣。疾鞭而過。至木村。倉  
皇始定。遇老人言狀。老人曰。噫。吾子夜暮未歸。其遇之與。  
急遣人接之。已死矣。賊已四散。莫知主名。潯九家以男命  
告他邑。指稱石孟林。王明會。王金。王美。杜來桂。諸人為盜。  
以諸人素行不謹故也。夫素行不謹。豈即可指以殺人之



宋太宗  
取創示  
非臣臣  
北知知  
終不事  
宋太宗  
取創示

事○乎○孟○林○等○未○經○鞠○已○為○中○芳○家○私○毒○拷○官○訊○之○際○孟○林○  
不○勝○楚○掠○自○誣○服○其○妻○子○訴○於○上○臺○批○子○更○審○審○時○則○槍○  
地○呼○天○極○口○稱○寃○地○方○隣○佑○稱○其○是○日○同○在○家○磨○麵○豈○有○  
縮○地○飛○劍○之○術○哉○而○寃○問○兇○器○只○憑○一○鉞○斧○窮○詰○原○告○則○  
出○於○風○聞○臆○度○傷○哉○竊○鐵○之○疑○忍○使○數○家○無○罪○而○入○死○地○  
乎○及○會○審○者○一○覆○審○者○再○張○林○奇○謂○昏○暮○策○馬○飛○過○何○從○  
辯○認○知○賊○為○誰○耶○而○九○家○亦○悔○心○已○萌○願○具○息○矣○力○為○脩○  
由○詳○請○蓋○元○惡○大○愆○莫○過○於○劫○盜○即○平○日○觸○忤○鄉○里○非○本○

分人亦不得漫致之重法類如此又顧九官者火藥匠也  
性嗜酒及烟每日多取燒酒為製藥之需匠役雖微得毋  
笑醢三升足戀耶日暮回家又遇隣人盧明亮邀共飲三  
杯耳熱喧競爭起彼此相推酒後常態九官一跌仆地明  
亮託權自奉扶其回家對妻孥俱不說與明亮飲酒爭毆  
之事蓋深知為虐舟相觸也乃越翼日就斃明亮與姪盧  
一權素不睦權出首謂明亮毆死九官又囑其妻亦並告  
予親檢驗身雖有傷滿肚藍色夫燒酒烈者取火迫之輒

蘇軾  
非不  
齊能

炎上驟發。不可撲滅。加之吸烟。何異陽燄映日於乾草之  
上。耶。且日煉火藥。久浸淫五內。人大醉。則五臟反覆。况一  
跌耶。詳允依律例得釋。蓋凡予檢驗。不避臭穢。親到屍傍。  
件作者不得上下其手。類如此。又一日。李可貢與李可教。  
兩家俱以重傷昇至庭中。血淋漓。頭面俱不可辨。令胥役  
洗驗之。莫敢下手。予乃親以水淨拭。可貢故號咷欲絕。予  
不為動。脩得詭狀。可教腿目重創。一綫如縷。乃以法按治  
之。蓋君子雖可欺。以其方。而當官之際。使膚受者恕不得。

行則奸人無所施其詭計。類如此。又馬名第與相周爭訟田畝。王紀林為干證。余履畝踏勘。馬生之地果少。而相周之地亦不多者何也。因問地隣為誰。即干證王紀林也。丈量其地。果多一畝七分。即馬生所少一畝七分者是也。詰其故。萬曆間有李孔元。李曾元兄弟共地二十八畝。均分各一十四畝。天啟間曾元以一十五畝賣王紀林之父王政。是曾元已逾賣一畝矣。孔元不知。尚以十四畝撥抵還馬名第之父騰蛟。近馬生以地短額。只疑為毗連蠶食。控

記  
姓  
氏  
在  
問  
身  
體  
中  
間  
之  
意  
一  
說

三  
頭  
其

告地之北隣相周為被。地之南隣王紀林為證。田已經數  
姓事已近百年。田祖有神。其可問乎。迨躬臨親丈。水落石  
出。甲多乙少。若合符節。乃以地歸焉。王亦無辭。蓋新之站  
地為里胥欺隱。黠民變置。予所摘糞而改正者。類如此。又  
楊西超與妻反目。而妻兄程世林以事控他邑。西超受鞭  
管後。琴瑟絕無靜好之致。家人嘯嘯變為訟矣。力欲出妻。  
告於余。予見其兒女。纍纍為之惻然。召其夫。頓指兒女示  
之。夫婦大感動。同攜兒女。泣下叩謝而去。蓋新之伯叔兄

卷之二  
社林  
大業

弟甥舅姻婭。以涉訟至縣者。亦往往感格。類如此。又谷。與  
亨與崔新業。乾候以德。遂相搆。訐訟起於飲食。不其然耶。  
予嚴詞訓諭之。遂出令。和息。兩家不聽。搆於各上司。連年  
累月不得結。傾家蕩產。剥膚之苦。不待言矣。迨後歸併。族  
在余處。一日新業方在候結。忽大哭自投井。衆力挽之。而  
問其故。曰。而事已結。即罪贖。可以請訴。緩納。何自輕生為。  
曰。吾非為此也。吾耻無以見林侯。使吾早依林侯。吾不至  
此。於是新民喜訟輕生之風。為之衰止焉。抑凡倉監防視。

漢書  
志  
可

固當謹慎而體恤尤不可不週。近日奉文除匣床之設。豈  
但漢文帝除肉刑。唐太宗禁鞭背而哀矜庶獄。等於舜禹  
矣。然而重囚以必死之罪。冒希可脫之路。無所不至。變故  
易生。而逆絕之使不得稍為展轉。又非欽恤德音至意。予  
時常巡閱國庫。不特有意外之防。兼恐獄吏行法外之苦。  
深感畫地為獄。議不入刻木為吏。期不對之語。雖倉為囹  
候。亦未嘗輕寄一人。古人云。慎無投獄。市夫獄。即無投。亦  
何堪乎。復捐微俸。賑以饑粥。而炎日。露雨。霜雪。尤飭掾司。

加意洒掃獄戶飲食茶藥勿致愁困。烏譏之事殊不易言。昔賢言如得其情則哀矜而勿喜。予豈敢自謂得情。但所謂聽訟之際虛靜以處之。猶恐不當。書曰式敬爾由獄。蓋善言譏也。

從無訟起念。總能聽訟。努目低眉。總是一片菩薩慈悲度世心。賜作用不然。打三通牛皮鼓。隨汝欺。雙電光。總要錯却此公案。勿認為世法公案可也。邵無盡評。讀聽譏畧。便當續孝肅忠介二公公案之後。却蕭齋評。



徭役畧

古者用民之力。歲不過三日。未嘗妨塲稼。布縷粟米力役之征。用一緩二。今則勢有所不能矣。况孔道最衝之邑乎。然則為孔道最衝之邑之民計者。當何如也。昔宋朝詳定役法。蘇軾言於司馬光曰。差役免役各有利害。免役之害。倍歛民財。十室九空。聚歛於上。而下有錢荒之患。差役之害。民常在官。不得盡力於農。而貪吏猾胥得緣為奸。此二害輕重蓋畧等矣。范純仁亦言。差役當熟講而緩行。不然。

弊在公  
 不在法  
 根本在  
 古法在  
 民道在  
 馬氏通  
 考其失  
 勤說

滋為民病。昔賢公卿在朝端，猶軫念民瘼如此。况親任其  
 事者，又當何如也。邵伯溫曰：吳蜀之民，以僱役為便。秦晉  
 之民，以差役為便。予以為苟存體恤之念，雖不便於民者，  
 亦可省數分之害。苟不存體恤之念，雖甚便於民者，即貽  
 數分之害。予念銜途民力，所不能免者，莫過此不時徭役。  
 也因撫循鼓舞之曰：爾等亦知君王之恩乎？試迴思闔閭  
 當年雨暘有田得耕否？有家得居否？有妻子得保全否？今  
 日處太平輦轂之下，雖六帝力何有？亦當效庶民子來之義。

但差徭何縣無之而我縣民當子午之衝差尤甚也每一  
使至趕馬之夫若干名護送之夫若干名搬柴運水之夫  
若干名挑草煮料之夫若干名苟一夫不脩前站差官嫚  
罵喧呼無所不至精壯者尚堪竭蹶奔命羸弱者往往顛  
連號泣憶杜少陵瘦男伶俜之詩每見之輒為酸鼻至夫  
將矣苟無以贖其求箠革又鞭之撻之達旦不寐解衣百  
結有質錢以求寬者臨去隨帶過站方釋之有連日數差  
者有一日數差者此衝途百姓榮止比於顏尾之魚也每

過差至予點村之夫若干名安置縣治夜寒給之柴火口糧待黎明使飽煖行差焉而其中所最苦者又其如家口草輜絡繹徃旋皆用牛車多至百四五十輛少亦六七十輛新樂額設所車僅止二輛餘皆僱覓腳錢緣無額派那借充給年終報銷日久橫抵至於需索有上車下車例錢稍不愜私人牛俱遭鞭撻舉官府所給窮民之腳價盡數覬之尚恐不免繼而鶻衣稍完者亦復典質不免又甚則將牛車到界典質獻之以求免鞭撻于蒞任目擊泫然內

徐登若  
法華若  
特學非  
視國為  
家不能  
如此觀

慘○將○境○內○大○小○鄉○村○勻○配○二○十○八○牌○每○牌○捐○俸○買○牛○一○頭○  
分○給○牌○頭○飼○養○其○牌○頭○十○戶○有○貧○不○能○具○牛○耕○且○役○者○予○  
捐○俸○按○其○種○地○畝○數○給○之○無○差○則○聽○其○耕○種○有○差○則○以○應○  
用○跟○牛○車○夫○加○恤○給○錢○值○多○差○冗○至○照○牌○點○名○當○堂○分○錢○  
均○催○如○牛○車○在○關○廂○以○內○家○口○需○索○囑○牛○戶○應○之○曰○此○官○  
府○與○我○種○地○行○差○之○牛○非○我○之○私○牛○也○汝○若○索○錢○吾○與○汝○  
同○到○官○府○稟○之○來○者○亦○希○即○來○則○亦○有○以○處○之○而○民○免○受○  
困○也○至○出○界○以○外○如○北○到○定○州○南○到○真○定○每○牛○戶○受○苛○索○

至質當車牛者。不論官民頭匹。官自脩銀錢遣役。向兩處取贖。以還耕者。使勞民之累稍輕釋也。此○各○處○情○勢○大○異○然民勞自不惜力。所○不○能○平○者○不○均○耳○不○均○之○由○有○村○人○戶○多○而○力○足○者○奸○所不能平者。不均耳。不均之由。有村人戶多而力足者。奸黠生焉。求私蔭者。若而村。至於土豪武斷之徒。有密囑奸胥。私為藏免者。若而村。每差使驟至。官止。據吏之票。西抹東塗。尚恐呼應不給。豈暇查核某村於某月某日。已行一差。不可再哉。此○亦○其○村○之○情○是貧無倚恃者。勞日益。以勞而富有遮免者。逸日益。以逸也。予下車。目擊而心傷之。請縉紳學博士。皆

此項分  
細碎中  
俱見歷  
來作用  
尚上行  
諸公無  
不贊

以我民之疲苦誠在於不均也。遂慨然願不私蔭。既少蔭  
一村是我民得一村之分勞矣。繼而觀感相勸。私蔭俱絕  
矣。新邑為村一百有八。設籤一百有八。書某村夫幾名。又  
為牌二十有八。設籤二十有八。書某村牛幾隻。車幾輛。籤  
為架置之。明顯易見。在自已。卧榻側使觸目。知民勞也。每  
一差至。手自掣之。挨次炭籤。籤入炭價已炭之籤。另置一  
處。俟一架之籤用畢。方輪流更換。雖猾胥奸吏何所用其  
出入。那移哉。而村墟無偏苦不巧之嘆矣。役無不均。故民

樂趨事。近日如疏堰五河。而河就緒。如興建文廟。次第告  
成。備橋船而橋船。脩城池而城池。整民情急。公亦大可  
念也。然此猶曰皆本縣之工耳。地密邇則耳目所親。工易  
以考。磚瓦木植。畚鍤灰石之所費。早晚勤惰。槁賞督責之  
所加。工無虛糜於閒佚。蠲無中飽於奸胥。故皆得告竣。至  
於平官道。築圍牆。種榆柳。脩府城葺皇華。整憲舍。徃例皆  
因路遙。只令書吏往觀其役。則有不可問者矣。夫斯民即  
良善樂於趨工。而離家既遠。誰為視其飢飽溫寒節其勞



供。且。晚。之。故。而。農。民。督。役。者。或。私。折。其。徃。返。之。錢。愚。者。聞。其。倖。免。而。所。繕。不。堅。反。繩。之。以。罪。豈。不。足。憐。哉。予。每。遇。諸。役。必。親。到。其。處。登。高。量。卑。周。遭。四。折。而。定。之。用。夫。若。而。名。目。給。錢。若。干。文。使。無。曠。無。乏。必。完。脩。而。歸。蓋。誠。慮。夫。苟。且。一。工。則。不。移。時。而。毀。壞。以。之。又。多。一。工。之。費。愈。益。深。我。民。之。勞。止。則。又。重。可。念。也。至。如。庫。獄。踐。更。鈴。柝。之。未。亦。時。給。賜。祁。寒。暑。雨。尤。加。慰。恤。雖。今。昔。美。宜。勢。有。不。得。不。然。者。亦。當。以。君。子。用。一。緩。二。之。童。行。之。斯。可。矣。

衝途差役較偏僻不啻十倍。仁人長吏雖欲與民休息不能也。公於不能休息之中而曲行休息之法。官牛民養。民得資以耕種。便在民。民牛官催。官偶借以應差。便在官。官民兩便可稱良法。至按牌給牛。炤村編夫。此牌撥盡。方撥彼牌。一籤用畢。方掣別籤。吏胥不得上下其手。百姓得更番息肩。此法直可千古。郝葦齋評。

# 市集畧

自日中為市之後。虞時懋遷有無化居。周譏而不征。春秋通商惠工。皆以國家之力。扶持商賈。流通貨幣。夫四民交致其用。而後治化興。抑末厚本。非正論也。都會之地。規制則左祖右社。前朝後市。四方百物之所輻輳。故居必名都。都多奇貨。苟有所需。輒鎡而入。廛市如取諸其家。烏自都會之外。不居廛肆。不以朝夕連同之鄉。間日一列。江南謂之墟。墟者取其廛而流通也。江北謂之集。集者取其會歸。

總令出  
皆使數  
百年後  
諸君以  
景和莊  
目前之  
者所立  
自來水  
而後一  
以

之義也。新樂西漢名新市。古中山趙魏屬地。稱為四塞。天府之國。雖非都會。意必百物之所輻輳者。故以市名焉。乃今有大不然者。百餘年來。毋論他物。樵薪菜茹之價。日以倍貴。田宅之價。日以倍賤。可為大慮者矣。予思其故。而不得。久而始知之。古稱軒轅之治。國無邪教。市無淫貨。邑無遊民。地無荒土。今新樂處輦轂三輔之地。沐教近光。最深。國家崇正。反經訓育。庶類是無邪教矣。新樂貨所出者。有布麻。蜜。龍黃。蠟。棉花。雖無諸尚。有絲絹。今亦稀矣。是無淫

分南地 水土利 泉源 既高 瑞祥不 光榮 得天下 此書

貨也。百姓終歲勤動，什居八九，而怠惰失業者，什不能一。二是無遊民也。然而沙部諸河浸淫為災，雖近日常行疏堰而水衝沙壅，已非一日，則荒土之為害也甚矣。由其水湧之時，非若南方有魚蝦螺蚌，可緣來為生水去之後，非若南方更有填淤，畝收數鍾，故土地之曠，伏藏狐兔，風沙彌望數里，無聚落。我民又不解貿易，轉買他鄉，故往往坐困焉。所為集者，多從隣附州邑來，南關景義街之集，以月每一日為期，東關望堯街之集，以月每七日為期。縣東宣

化街之集以月每五日為期縣南承流街之集以月每三日為期西關之集以月上旬九日下旬九日為期新道之集以月中旬九日為期青同村之集以月三五八日為期東里村之集以月二七日為期化壁村之集以月二七九日為期馬頭舖之集以月一六日為期南蘇村之集以月四九日為期何家庄之集以月二八日為期至期奔走如鷺、鵲、負、而、至、者、如、流、水、然、皆、博、易、瑣、細、牛、車、之、輪、犁、然、騾、衛、之、蹄、屢、屢、然、背、荷、者、累、然、不、過、黍、稷、穀、豆、抱、布、貿

知開馬  
和之  
入目  
使不  
計其  
不  
是  
太  
樂

綵及砂。確。蘆。席。而。已。與。之。言。海。南。市。舶。波。斯。胡。之。明。珠。火。  
齊。芒。然。不。信。即。蘇。杭。維。揚。列。肆。所。陳。光。艷。眩。目。此。中。之。抵。  
有。皓。首。不。知。者。爾。一。年。之。中。惟。三。月。十。八。日。為。伏。義。誕。集。  
念。八。日。為。東。嶽。誕。集。二。日。為。盛。烏。蓋。岱。宗。為。天。地。生。氣。此。  
地。又。為。伏。義。生。人。之。處。傾。城。士。女。咸。往。觀。焉。舊。例。令。尹。與。  
鄉。先。生。邑。學。博。祭。酒。讌。於。斯。臺。春。和。景。明。融。熙。之。際。上。下。  
長。幼。同。樂。亦。一。佳。事。也。夫。一。女。必。有。一。鍼。一。縷。故。其。事。立。  
耕。者。必。有。一。耒。一。耜。一。鉋。故。其。事。立。不。通。工。易。事。必。不。能。

矣。今新民不過藝黍稷蔬果。不能轉負走販。取四方之財。豈則俱豐。歎則俱歎。歎。固。固。而。穀。賤。傷。農。豈。亦。固。矣。然。而。一。闕。之。市。不。勝。異。意。使。豪。猾。者。緣。之。射。利。以。橫。侵。輕。重。於。共。間。則。吾。民。益。困。予。為。之。定。其。券。契。之。齒。金。錙。之。數。使。不。得。為。侈。弁。焉。所。冀。買。米。豆。等。項。一。依。市。價。而。牙。行。私。漁。胥。役。影。索。尤。重。禁。卒。底。固。敢。轉。猾。矣。人。竊。則。盜。賊。易。生。雖。所。交易。卒。不。能。滿。數。金。往。往。有。奸。究。攘。奪。之。患。子。每。令。人。伺。之。嘗。稱。有。此。輩。潛。入。縣。衙。便。親。率。快。壯。家。丁。分。路。捕。捉。之。



自此竄逸而大道之集。值兵馬經過。往往驚而禽獸散。輒左右之。搆兵或有所侵凌。予屢諭以憲禁。至嚴備。一上聞。則所得極微。而所失不貲。故趕集者。始不至倉皇焉。夫有摩較擊。往來不憚者。凡為利耳。古人立法。惡商賈之爭求。而欲抑之。今人立法。妬商賈之獲利。而欲分之。若新民則無庸抑矣。亦不宜分矣。集內所列者。殊無奇淫之貨。想日中為市。時不迫如此。而議而不征。通商惠工。凡牧斯地者。其用念之哉。

王政市廛。原與制亦授田。並重彭老。因時酌俗。經畫井  
然。其為大儒學問。若文章之高古。兼具風神。直令班馬  
為一。俞思同記。

治鮮集

卷之三

目錄

徵乘紀

脩學紀

河渠紀

古蹟紀

風俗紀

存異紀

治縣集卷之三

聞蒲陽林華皖彭臬氏著

徵乘紀

天下者。麗邑之積也。古今者。歲月之積也。古者天子置左右史。而列國各有史。以天下之書。方取材於麗邑。況麗邑之內。所為典禮文章。山川形勝。風俗厚薄。人才多寡。官師賢否。水旱祥異。尤取證於麗邑之書。其可歷多歲月。闕然而不脩乎。今朝廷方纂脩前史。蒐羅遺文。而新樂邑志。

以備志

為齊志

聚書

作本志

自萬曆辛卯脩後。蓋七十年於茲。尚未有續焉。豈非守土

與生斯土者之責哉。夫志非以脩見聞。其寔以攷得失。因

革損益於其間爾。故邑志宜詳。而不宜畧。與罷志省志又

○原○詳○

不同。星辰躔度。各有次舍。九州分屬。皆論已悉。新樂分野

列在昂畢。作星野志第一。新樂當三輔之地。九省之衝。號

為極要。然其國所謂方六七十。如五六十。至如郛。派。兩河。

昔之沃壤腴田。今變為堆沙浴兒之池。木鐸之講。昔之湮

塞多年。今復為墟。源。舊志。儀等道觀。列在雜志。今當入於

記書之  
 功不止  
 二時亦  
 不止一  
 也

古蹟。鉛松怪石。聖帝載在禹貢。邑內邯村之栢梁庄之標。皆天下樹木之奇觀者。而舊志不書。作輿地志第二城池衙署。雖興建已久。時加脩葺。至於學校為教化之本。昔之頽陋者。今則重新崇煥。頓易舊觀。瞻謁者肅然知敬。凡先賢先儒姓氏位次。上下昭穆。箴銘碑刻。已為釐正。當詳書之以貽後人。且蒐取邑內名勝。書於坊牌。立四方過往之地。使行者起景行而知重名邦。亦不可畧焉。作建置志第三。新樂在五百里甸服之內。雖今昔異宜。貢賦不得如虞。

如漢書  
卷一百  
卷一百  
卷一百  
卷一百

夏之制即如舊志所云貢賦萬六七百餘視成化前已增  
十倍民力未易甦戶口未易復昔之軍民田土皇庄勲田  
馬場等地皆土著世業今則撥補他屬邑內徭役無過於  
郵務當另附驛政於內作貢賦志第四禮樂不可斯須去  
身況一邑所關者甚鉅如舊志所載先師廟祀而不載祭  
器樂器祭品予亟為正之至於歲時舉行諸典皆脩書而  
攷之按籍而稽之作禮樂志第五州牧侯伯古今不同然  
為民人則一爰及師長佐屬皆當殫乃心力以無負任



者如所稱賢令韓公文鄭公札後復有幾人哉然舊志載  
原全設尋裁主簿矣教諭一員訓導二員其一員尋裁尋  
復今則又裁矣驛丞新裁其郵務悉歸於縣矣作職官志  
第六八結悉張人才奮出冀北之士尤近日月之光騰驤  
應運已見多賢作選舉志第七地則盡一邑時則近百年  
所謂鄉先生賢人君子孝義節烈之行可風於世當亟表  
之毋令湮沒不彰作人物志第八文章者載道之器也凡  
邑之要係於學問政事典常風土者悉借文以傳於後至

董子言

天必驗

之八止

是也

劉子

於題詠名勝。感慨往跡。皇華駐節。詞客登臨。其佳者亦如  
雲霞之日變。山川之日新。俱不可遺。烏作藝文志第九。歷  
代事紀。見於經史者。錄之足為後人鑒觀。祥異之事。則天  
人感應。有機有兆。非但京房推策。劉向援證。凡虞書所云  
惠迪洪範。所云庶徵。皆是也。通者。國家受命。萬物維新。  
新邑之內。休徵駢至。作雜志第十。舊志雖取一統志。及真  
定定州諸志而成。而文質不稱。不無疎闕。今綱則因之。而  
目稍損益。為事寧詳。無畧。文寧核。無煩。載官師人物。寧直。

史通  
以爲  
史

無曲寧信無疑當知一邑之書關於天下一時之筆關於  
千秋後世予不敏忝宰斯土幸與諸先生及諸士同時知  
皆以文學史才自命豈可令宰斯土與生斯土者有負  
聖天子惓惓立史之意使邑乘尚有餘憾哉若夫他時繼  
起而作者則後之君子其用念之哉  
凡脩國史邑乘取材莫逸繁文纖事不啻綵縷機杼在  
心文章經緯五采錦繡方為史才林公以班馬之筆其  
於新志猶之大才小試也昔鄭漁仲作通志柯希齊作

宋史新編皆為當代所稱讀此書益信莆陽多良史矣

田佳毓評

脩學紀

國學之建。自天下而行之。州邑。三代而行之。今日。無以異也。其興建而脩明者。不特崇答先聖。宜從魏煥。以為瞻仰之地。將集天下州邑人才之肄業藏脩息游者。於是烏在。繼往開來。尤所以明道也。新邑之學。因循故陋。多歷年所。無取而更正之者。將何以明道。如大成殿。宜比明倫堂為高一級。以示尊崇也。明倫堂。反進前而高大。成殿。反退後而低。且地勢湫隘。氣象晦冥。當定鼎之交。居民害穴隱處。

聖賢教  
人同學  
金在土  
其是明  
通入門  
功大

其下基址既虛、棟樑斜倚、此聖殿之當更者也。更之者累石為基、若封泰山、然增而益高、截栢為樑、以換朽質、使人知尊崇聖統、學先築基、以永勿壞也。而道明自易塑像、製木主以來、則聖賢在天之靈、昭格即在木主、數字點畫、以內矣。宜稱神位、神者取其變化無方、誠感必應也。不宜稱之位之者、輕畧之詞、至不敬也。且先賢宜稱子、不宜直指名字、直指名字、施之當世、且不可。況古賢者乎？是又大不敬也。此神主之當更者也。更之者南面書某子神位、北面

書爵里姓字以脩恭攷別同姓使人知脩詞立誠實錄無  
疑神將來格也而道明舊廟配享以四配位在前而處明  
十哲位在後而處暗後先相為掩閉豈賢者意哉是位置  
之宜更者也更之者四配十哲同列左右以事先師而十  
哲神位少退數武為使人知諸賢一堂如共見其冠裳劍  
佩揖讓者然而道明東西兩廡之制東為昭西為穆禮統  
於夫子為一尊也至陋規則一廡自為一門又以中位為  
尊而左右自為昭穆遂將先儒位在先賢以上元明儒者

位在漢唐宋儒者以上豈不謬哉。是東西廡昭穆之宜更者也。更之者東廡開三門西亦如之位次皆以北一位為始南末位為止使人知上統於一尊而旁分其世代。儉次井然不相紊也。而道明按塔與書云殿之庭謂之胸戟門外謂之襟。胸貴方而正不貴尖而斜。襟貴寬而舒不貴直而射。今中庭不方而戟門以外徑直而長於制不合且思樂泮水不閉委之宮牆以外其象如半月。厥明不全何以照臨此門庭泮水之宜更者也。更之者庭取諸方。



其時  
左右  
源處

聖  
在存心  
存心  
在四勿

以法地之四維池取諸圓以法天之三百六十五度使人  
知胸襟豁達如水津渙乃入德之門也而道明廟之後猶  
有敬一亭覆敬一箴心箴視聽言動四箴皆勒方石誌之  
亭久而圯石半堙於沙草附廟居民侵凌遺址畜牧於其  
上此廟後之宜更者也更之者經界方正仍起古箴銘而  
堅列之地稍弘殿如矩之絜然使人知道在後學必有與  
者但一心以主敬為宗而視聽言動皆合於經有如此銘  
也而道明至於楹櫺橫斜於殿前殘碑排積於庭際明堂

從容中  
道所以  
為貴也  
微二字  
其明道  
亦領二  
正用不  
盡處

為之不先習禮諸生跬步紆曲焉此碑樹之宜更者也更  
之者樹之枯者去之栽者培之碑移於兩廡以外別為亭  
以蓋之如國學題名然使人知先正遺文或有可攷近前  
之燕○悉○當○剪○除○趨○踰○長○足○之○地○須○留○餘○步○也○而○道○明○若○廟  
庭之有臺階層級而上臺之中謂之神路為神明所出入  
之路如天子中門之不可立也所以尊君師以志敬也陋  
制即以中階神道為凡人通行之級於禮為失敬此臺階  
之宜更者也更之者別設階級於臺耳之左右為引贊莫

獻之路中階神路設木欄之猶天子中門禁步然使人知  
君師在上名分品級不可躐等踰越也而道明子每拜覲  
聖顏生慙愧想茲與縉紳學博士先生商慨是舉幸相與  
以有成乃聖人之道適彰明大著於今之時會也遂於聖  
殿後建堂九楹中三楹為置敬一箴心箴視聽言動四箴  
於內使操脩者有所警策右三楹為祭器庫凡犧象罍彝  
鼎俎豆爵勺祝版帳幔香燈之屬皆依古法製簿正之  
珍藏於中左三楹為藏書室置書以崇經為本凡五經大

崇經書  
以明道  
經正則  
庶民興  
百業  
為治  
本

卷一

全十三經註疏及性理綱鑑廿一史與近代諸儒語錄闡  
明心性之學可以翼經補傳有功於聖賢者亦購求烏聖  
廟肇於己亥年五月端日成於仲秋丁祭前一日而堂廡  
諸處次第告成夫新邑最近首善之地又為夫子問子  
息之邦明道之責宦斯土與生斯土者其均任之是亟哉  
全篇以明道為綱而段落次第詳晰中自有磅礴之氣  
周乎內外是真以理勝者大家若歐曾學記皆不能及  
至於更正制度當為學校不易之規

徐玉海評

河渠紀

按西湖舊誌稱錢塘古為沮洳藪澤地居民病之迨白藕  
而堤代有興作開濬脩治至今六橋樓櫓遊人蕩漾烟波  
上下只知有水之樂都忘其水之能為利而不至於為害  
者厥有由然也新樂之水有五其能為害不能為利脩之  
而始不為害者有三曰派河曰郛河曰滋河其能為利而  
亦能為害年久不脩俱以為害今日脩之遂以為利者有  
二曰中同湧泉曰木鐸溝派河郛河滋河蕢源皆自山右

可  
折  
地

來遠不俱書。書其從隣封。入境界始。派河至曲陽而始廢。  
繞見龍山而東注於新。見龍山者新邑紫脉之祖山也。亦  
曰童山。以其樹稀也。而山頗嶽秀。故謂之童山。山從西北  
乾地起。派水亦從西北乾地來。蓋有本者如是耳。過車固  
岸城。亦支鳳鳴韓村。到縣治之東南。始與郛水合。郛河由  
行唐縣前過高麗村。亦東注於新。經曹村。穿木村。木村者  
新邑之首村也。邑不過四十戶。木村三百戶。若木村有水  
患。則邑無如矣。至趙村之東。郛派二水既匯。為一。乃南下。

源砥東轉陳村入定州界。夫新邑自東北境抵西南界，袤  
延未足四十里。自西北境抵東南界，袤延未足六十里。而  
派○部○二○河○廣○四○五○里○週○遭○境○內○約○五○六○十○里○以○與○新○邑○爭○  
此○土○也○其○倏○而○漲○也○漫○然○巨○浸○也○其○忽○而○涸○也○涓○然○涸○  
矣○故○不○為○潤○而○祇○以○擾○沙○磧○據○畝○之○半○藎○苻○據○畝○之○半○春○  
夏○需○之○舟○楫○秋○冬○需○之○橋○梁○是○二○河○也○使○吾○新○之○民○貧○若○  
而○家○勞○若○而○家○安○得○巨○靈○丈○人○手○挽○之○他○去○耶○然○聞○之○白○  
公○堤○蔽○秦○鄭○公○堤○蔽○豫○西○門○十○二○渠○疏○鄭○又○有○禱○於○松○栢○

灘而河徙五里者。是在吾長民者之事也。今堅築堤岸。多  
植榆柳以防之。夫亦曰吾聊以固吾圉耳。而派河都河治  
滋河歷阜平而南下。原非新邑界內之水。而歷年大為新  
邑害者。以新之趙門化壁兩村寔泊滋河。如操舟依岸。然  
舟漏也。則茫無津涯矣。水西來東注者。性也。然滋水未肯  
降心而南下也。趙門化壁兩村。逼處東岸。而地勢天注下  
兩村之咽喉。一決直瀉千步。則大小關庄西領一帶。連數  
十村。幾百戶。皆蛙鳴於窟。而魚遊於階。其何以藝黍稷。因



循者有年矣。是歲己亥仲春。予立馬河干。按予定步集諸  
村。父老諭之。咸有情容。何也。余知之矣。蓋往年亦曾有舉  
是役者。工半飽於衙胥。侵於土豪。虧於私蔭。而窮民獨受  
疲困。其及於河伯者。纔十之一二耳。故河伯亦不為之效  
靈也。予再集父老諭之曰。近若水者。某村若干戶。應脩若  
干步。本縣捐俸給若干糧。自第幾步起。至第幾步止。為某  
村。為某人脩。如不完工者。有重責。完工者。有重賞。衙胥不  
得出入其名數。土豪不得侵虐。其工程私蔭。不得偏苦其

河漢  
長今  
口案  
特形  
不素  
山心  
不待  
不素  
先素  
卷之二  
七

後堤之高出人之首上廣丈許可容旋馬下廣倍之可  
種大木於是定牌樑定村庄定名姓定柳樹定口糧即以  
仲春興工限以仲夏告成於是趨者如鶩及期不爽今堤  
岸真如磐石西顧諸村皆種藝矣而滋河治此新邑之水  
有能為害不能為利今脩之而不為害者三也中同湧泉  
出於中同村之浴兒池即伏羲氏生人處也土人傳伏羲  
於此生人既生之又思所以養之即於此地點水得泉泉  
脉流注可以灌溉地畝無數以粒我蒸民舊名金水河蓋

點水點金誠視此水為寶貨也管子云貨惡其棄於地也  
棄泉不用之以種稻畦而任其泛溢是古人所視為寶貨  
者今人視之與蠹賊等善用與不善用大不侔矣予熟視  
泉眼大者如箕次如盤五次如餅泡自中同村歷何家庄  
埡頭村營裡村及七里舖官道有石橋橋為前輩令趙公  
所建碑述諸葛武侯語云此有大功德於民非小惠可比  
也近橋有池四畝舊時種荷花有亭臨水行人憇息使之  
亭久而廢橋不可行荷花為茂草矣今余倚之仍趙公之

春  
幸  
多  
有  
日

舊也。何敢言功。水從大道過。不使行人有屬揭之苦者。橋  
之力也。橋脩。故水乃磨折激湍而下。郭村一泓清澈。可鑑  
柳影。多鵝鵝。禹步如鵝。產菖蒲茨菰。道書云。飲菖蒲水。使  
人多壽考。新人多麗眉。駘背亦其驗云。到郭村之西折而  
南也。水因折而少湍。村中人知種蓮花。盛於樹木。予於是  
有舟之之想。水南下曲都村。達大流村之東。石橋下而水  
氣又加大於上流。予疑水不天來。從何加大。土人云。北五  
里有海眼泉。亦到此石橋下。與金水河匯。故謂大流。蓋金

水泉據上遊恐旱時水力到此而弱故又生海眼泉以繼之與水相生而未有竭也。金水海眼二泉既合到小流村之西有古剎顏曰神仙駐節處傳古有仙遊其地小流之水又折而為二其一從村西折而南下到赤堠村其一從村北折而東下亦到赤堠村與木鐸溝之水合所云三叉河口者是也。赤堠乃新之極南處三水合流民更苦之。今予令之築堤堰矣。赤堠與蘆城交界之牛村共一橋每相推余謂毋多讓名之赤牛橋。赤為火就燥毋為水所濕牛

為土屬。以火却水。其保吾土也。自中同湧泉到此。凡四十餘里。舊有水道。沙土壅淤。故諸村多年怨滂。余同紳衿並繼周視。詢諸父老。皆云。河溝古來廣一丈。深一丈。今草根為水之骨。風沙為水之衣。不可以泛蘆葦矣。遂分定其工程。如脩化壁法。囑其多種水稻。畦源田間水道。次第而舒之。以殺水勢。以享水利。而中同湧泉之水。治木鐸之溝之水。源出於閔鎮。泉湧地驟出。勢甚猛。起泉高於水一尺許。夏書云。汎水三現三伏。大抵泉大者。必其伏流遠。而忽見。

緊力  
出健  
養  
開  
馬

於此也。土人像祀閔子甚款。古云孝子是可風也。又云閔子曾從孔子遊到此。故有孔村有閔鎮。閔子飲此泉而甘之。故祀之。舊稱木刀溝不知何義也。余思水所以利吾民也。如不利何取焉。木刀難乎其利為也。既為閔子從遊夫子經過之鄉。所飲之泉。盍改為木鐸溝。木鐸以明教也。教之用水以興地之利。使衣食足而知禮節。敦古俗其不愧此泉與木鐸溝近路喬王村協神趙門大寨達西賈庄中過人家煙火曲巷瓜棚兩岸臨流有垂柳小橋遊魚睡鴨。

是便是  
松溪漁  
隱集  
何處更  
近關

予欲添之樓閣牙橋不讓二南圖畫矣。從西賈過安庄東  
陽齊同蘆家蘭渠城西馬頭舖蘆家者水際多蘆荻人家  
蘭渠者芙渠香草水氣如蘭城西者古新市基址也土城  
尚在城西村以東馬頭舖有石橋三門乃古新市縣治之  
南關城壕橋也前輩趙公濬而栽蓮構店舍以駐行客名  
蓮花店有明太保梁公石碑在橋之東古蹟猶可考也然  
荷花未再錢店舍皆瓦礫矣水由官道行行者病涉焉  
棄其耒耜矣。予到馬頭舖迎送問父老所以不耕之故



辨明名  
縣之南  
杜是經  
是

不以水哉。群呼而泣。欲下。予曰。是不難。引我馬首三歲。歷觀之。歷東庄。雙晶香城。赤堠。知木鐸溝之盡處。即三义河口也。自閔鎮到三义河口。凡六十里。按其步之數。戶之數。糧之數。一如脩化壁。脩中同湧泉法。而木鐸溝之水。治所云新之水。有能為利。而亦能為害。年久不脩。俱以為害。今脩之。而始為利者。二也。嘗攷舊誌。新樂古新市。隋改市為樂。以隋人好音樂。新數度曲。故宜以岳。不宜以洛。且洛屬水。岳屬山。此處民情苦澇。故縣名寧以山。勿以水。予謂顧

有能伏  
有得應  
知得自  
無其辨  
行水之  
法

善○用○此○水○者○何○如○耳○他○年○荷○花○全○栽○也○舟○楫○脩○脩○也○楊○柳○  
依○依○稻○田○稷○稷○如○車○之○穀○轟○轟○然○亦○可○謂○樂○其○樂○而○利○其○  
利○矣○安○知○無○物○色○可○比○西○湖○者○

余○歷○遊○北○方○見○多○有○水○利○可○與○處○而○北○人○不○知○非○不○知○  
也○不○能○行○也○大○禹○之○治○水○惟○曰○行○所○無○事○今○人○不○能○解○  
無○事○之○理○所○以○一○切○事○皆○不○能○行○豈○但○治○水○乎○凝○山○靜○  
學○直○繼○先○賢○一○切○以○無○事○行○之○所○以○事○事○皆○治○寧○獨○一○  
治○水○乎○而○治○水○故○為○治○新○之○第○一○政○矣○余○未○也○評○

高古處似蘇子。按蘇處似郡道元水經注格法神韻。又  
魚柳蘇數家諸記。余自燕入晉入衛自衛入燕入楚往  
近新市渡河者四聽輿人誦祝恨無大文可勒方石。今  
讀此篇當與河流同永矣。程旣自許

夏氏供  
秀英庭  
施立飛  
楊子黃  
詩才凝  
諸記手  
可移土  
絕

# 古蹟紀

由縣治西行四五里為趙家村。出村西望十里許，若城若山，若樓若閣，巍然雲際，為伏羲臺。縣誌八景之一曰羲臺。曉日蓋取諸沐日浴月象帝之光也。帝服旒冕，黼黻衣，從官簪組，甲冑便殿。後官圖繪侍御，服食器用，雕鏤質色，皆後代所尊崇，而加麗之。伏羲時原未有此。按伏羲生於成紀，有虹流華渚之祥。今秦州成紀縣畫卦臺，雪後猶見卦痕，又何復見新市歟？及考新市舊誌云：伏羲曾寓此而

生人故有廟方知成紀為帝所生之地新市為帝生人之  
地亦各不誣矣每歲暮春十有八日有司紳士設宴堂端  
致祭庖犧饔庖人治庖必蠲潔勿忘太古始創飲食之人  
庶幾能見聖於羹乎是日也俗稱伏羲誕日亦稱義臺廟  
集趕集者甚盛吾謂此熙熙攘攘而來者邇厯初生皆當  
以伏羲為鼻祖則今日集上諸凡年長者皆當視之以伯  
叔諸凡齒穉者皆當視之以弟姪眼前大衆誰非屬毛離  
裡之人夫亦可以感悟而不忘其本矣○此○句○不○可○少○○返本則知仁知仁

則相睦相睦則不爭不爭則無訟而政以簡而俗以淳太  
平可立致皆自義臺廟集始邵堯夫云人當從義皇心地  
上馳騁又云古有伏羲今日如覩其面焉由義臺西行三  
十五里為筆頭村村有書院祀孔子及四配十哲土人相  
傳孔子曾經臨此地落筆以遺後人先時尚有筆頭流傳  
人間後化為五綵雲霞飛去故隔村有名化筆村有名孔  
村名閑鎮閑鎮者閑子從遊到此飲泉而甘之亦名閑泉  
而是村名筆頭村亦稱孔子落筆鄉云有書院余為之說

漸生雲  
雲集  
漢人

筆曰筆之為則貴直不貴曲。劉柔適中而後宜於用。周武  
王筆銘云。毫光茂茂。陷水可脫。陷文不活。文者載道之器。  
筆者載文之器。使所載者不出於道義。一涉詖淫。則為陷  
矣。諸生其慎之哉。今將謂筆果化去。不得親見先師所御。  
以為憾事。但試一開卷。讀易象。尚書。春秋。詩。禮。春論。夫子  
所刪之定之作之述之者。其猶可想見也。其所謂化而飛  
去者。固未嘗去。其所謂沉傳人間者。真若手澤存焉爾。且  
夫子之道在天為星辰。在地為川嶽。星辰殞則為石。川嶽

不可  
大石橋

出而為雲所稱化為五彩雲霞飛去者非此之謂耶。前丁酉歲於學官得石筆。規制古異。堪輿家言當置之高明之處。乃置城垣上。抑化則為雲。而落則又為石。耶是未可知也。附近閭鎮村亦建閭子廟。垂紳正笏。冕旒森然。是必未易求主之前。宋元之祠祀乎。由縣治東北行五里為石頭崗。山不甚高。而以孝嬪得名。孝婦劉氏為元知印韓太初妻。事姑有奇行。明太祖召至京師。令入後宮。使太后妃嬪觀焉。賜衣鈔。官為送歸新樂。故此地亦名孝婦崗。山容疑



縣志

大得奇  
可為記  
謝先生

澤泉集

黛具莊嚴視由孝婦崗十里為杜姑村為宋杜太后故里  
后誕育太祖太宗開有宋三百二十年之曆而國有長君  
社稷之福之訓真女中堯舜也由石頭崗北行五里為邨  
村北嶽廟在焉廟右建大士庵庵背有唐鄂國尉遲公旋  
馬栢栢亦作旋馬狀青柯細葉櫨甚異其理如波盛如螺  
盤如雲超如瑞玉如錦迴文如王叔明皴法色熙然光如  
漆逾邨村五里北為果家庄有古槐櫨合數人圍之不過  
不甚脩而庇蔭數家云是五代時植宣府槐龍報國寺松

無  
窮  
一  
何  
盡  
之  
極  
似  
來  
味

皆以姓凡異見於詞人題詠而此以生於村落鮮有知者  
遇不遇豈非以地哉由梁庄北望為黃山即古中山取黃  
中通理之義有黃石公洞洞口微窄內可坐數人其幽深  
處不可測亦云少容山殷時有女冠得道數百年而容若  
少登山上憑眺則東盡定州北極曲陽西窮行唐南槩新  
市如視指紋隱隱可數由新市南行十里為漁砥初呼於  
底謂淤泥底下之處余改為漁砥此處可以漁民不鮮漁  
處澤地而不知利余教之以漁此村為河之南都派二水

會流所射砥者即中流砥柱之意也。由漁砥南行三十里為孔村。孔子經過之村。村之背有白沙堤。每年益增高。蜿蜒若龍為村之護。由孔村南行十里為南蕪。即蘇祭酒天爵祖塋。有春露亭。當日祭掃之墳廕也。蘇公有春露歌。仁孝藹然可續白華之什。公生元時。文章比於虞集。道德亞於許衡。有春風亭。則虞公集為題。而吾邑陳公旅為記。夫天下大矣。由開闢而至於今。不知幾千年。所謂神聖創出庶物者。若伏羲可謂至矣。以布衣為萬世師。若吾夫子止。

興脩道而至神像。若殷少容、黃石公，亦世所希見矣。遭際  
分茅讀書策仕，如尉遲公、蘇祭酒，亦足矣。姜嫄簡狄而下，  
如杜太后，亦僅見矣。匹婦而動天子，如劉孝嬪者，亦少矣。  
新乃以蕞爾地兼而有之，噫亦幸矣。不逾百里之中，試一  
憑望高臺，猶在也。筆墨猶存也。英雄叱咤之狀，詞人雅集  
之地，虹流月降之祥，與夫熒熒寒燈，姑媳相依之性，猶可  
想見也。余惟與都人士覽其蹟，想其人，歌高山景行之詩，  
冀相與以有成云爾。

新市古蹟甚多。以前志多闕畧不載。雖生斯地者不留  
心蒐采。亦不盡詳。所謂眼前光景。道不出。身在廬山却  
不知。吾夫子以陳治之暇。高情大筆。盡入錦囊。不特絃  
歌雅化。一時倚頽。遂使前代山川人物。托以流傳矣。  
白

太一評

風俗紀

讀東西京書見風俗最近古而吏治在三代下為盛。迨後亦憂憂乎難哉。夫催科鞠獄期會簿書尚恐救過日或不給。若移風易俗必非俗吏之所遑及。蓋不自今日而始然也。化瑟之不調必取而更張之。攷白虎通風俗記所紀五方風土不同其間純雜文質貞邪厚薄原不齊等。若欲一一而更之。拂人情不可行。吾謂俗既如是亦不必更。但因其俗而化導之足矣。新市近陶唐故都糾糾葛屨可以履

札坊人  
時志同  
介時出  
身紀則

入乎利  
順人情  
義  
義  
齊之以  
禮

霜言其儉也。今遺風舊俗猶有存者。在所不必更。但使士  
民能知俗之所以然。事事舉。是心實意以行之。亦可謂化  
成而俗美矣。每歲元旦。各家設一天地位。用方棹上。駕彩  
樓。有以彩緞錦繡者。有以彩紙圖繪者。皆採栢葉圍繞之。  
取百歲之義。猶俗斟栢葉酒云。中書天地神祇位。獻以花  
菓糕餅牲醴。各不同。而各極其潔。而敬。四鼓起。率家人兒  
女拜天地。食饅飽。混沌者。萬物之初也。乃出門肅賓客。賀  
新年。大家有。大天地位。中人之產。有中天地位。小家有。小

從天地  
生於  
有行  
長帝  
未嘗  
世前

一五五  
生於  
有行  
長帝

天地位吾謂天地大矣其位在人方寸正中故云人身一小天地時時皆然何獨元旦耶歲三日祭掃祖先墳墓告履端於始也清明日掛紙墳頭十月朔剪彩紙為五色衣上墳焚之謂之送寒衣夫歲時節序衣服溫清念及祖宗可不謂孝乎而俗胞兄弟及從及再從兄弟有構訟者官詰之則曰雖是一門祭祖其寔各戶當差吾謂當差乃朝廷公務獨不思一墳祭祖者墳中骸骨豈不是汝等同屬於毛同離於裏之人而鼠牙雀角心則何忍勸爾兄弟



於祭掃祖先墳墓時仔細思之心哀而敬則愛油然而生於是多感悟而和者矣正月十七日為城隍神誕先三日四鄉攢會叩獻者以千數夫天下城隍誕日各不同獨新市以上元燈花鼓吹取天官錫福之慶吾謂新民其亦知力行善事自求多福與三月十八日為伏羲誕日上伏羲臺拜人祖以求生子人祖者生人之始祖也能予人以生故男婦多來拜者口刺刺說不止則未生而禱也其既有生而謝者狀甚欣躍頭搶地叩不止以云報也三月念八

日為東嶽帝誕日。祭東嶽帝於東關外嶽帝廟。鎮城定州。人多來焚香。迺集云。四月四日為北嶽帝誕日。按北嶽大茂山在山西渾源州。舜北巡狩。十一月至上曲阻雪望而祭。大茂極嶽之石飛來享祀。後人建飛石殿於其上有藟子瞻留題在焉。曲陽即新邑。連北界。邑人於邯村亦建北嶽廟。表曰北嶽正祀。是日會多而集為盛云。至於三月祭藥王求去病也。與正月走百病三月食米茶則無病同意也。五月祭八蜡周禮迎猫迎虎之義。祈土功也。春有祈秋。

此等  
俗見  
之

有賽皆鄉之人自為戲。錄把腔琵琶調絃子腔。雖與曲不符。而報賽之誠。可以格田祖也。六月祭龍神。却水害也。七月放河燈。照幽魂也。大抵風俗之患。在於不知敬畏。而無所顧忌耳。至官廡以法繩之。亦隨手後矣。今新市之俗。知敬天地。知敬祖宗。知敬鬼神。故不敢於大為奸惡。而犯法者少。吾故曰。但使士民能知俗之所以然。而事事舉實心。寔意以行之。亦可謂化成而俗美者是也。又何必更烏。至於民間男女飲食耕織之類。亦採風貢俗者所宜。

竹枝詞  
廣而親  
俗而  
凡人之  
達

聞烏他俗合。菴者必擇利未及利之期。寧忍曠以待之。且  
借辭以索禮幣者有之。司馬溫公曰。婚娶而論財。非君子  
之道也。此方則舉在除夕。曰除夕合婚。百不禁忌。蓋從其  
簡便。即吉辰也。竹枝詞云。一穀爆竹却寒灰。此夕多斟酌。  
合。菴。杯。易。了。尋。常。婚。嫁。事。便。宜。省。費。而。家。財。凡。人。家。無。事。不  
食魚肉。亦不頓頓用大米飯。而只以麵。以小米。以蒜。以葱。  
及。瓠。瓜。茄。菜。之。類。他。交。未。熟。露。仁。交。先。熟。造。碾。饌。子。食。之。  
詞云。春。麥。青。青。秋。交。黃。未。堪。採。拊。薦。高。堂。就。中。先。熟。露。仁。

子洗手搓成礮。礮湯正月師婆打大平鼓唱四季歌以祈  
年二月二日謂之龍抬頭各家以灰圍宅舍謂之引龍蓋  
驚蟄節則土膏其動故引之也天黎明有鳥曰黎鷄與啓  
明星同出田頭有鳥曰牛安叫一聲占一分收叫十聲占  
十分收占鳥穀而知有收則驅牛種地而人心安然故名  
牛安鳥詞云黎鷄喔喔天初明布穀飛鳴喚早耕。禱祝牛  
安田畔鳥今年多叫十來穀當農忙之時邑無遊手之人  
每早城門未啓荷鍾以待僱者謂之傭工作活人僱工者

管家謂之僕們、令僕們提燈照其面、恐有刺迹人字者、憐之也。他處來者、謂之流來子、恐有迹人待僱、借口需東索詐者、謂之放鴿打網。故僱工時甚慎之、詞云、天色朦朧未曉時、僕們仔細僱工、遲叮嚀勿僱流來子、恐有東方放鴿。見此地沙土瘠磽、難種穀、而易種麥、故五穀未成、幸有瓜菜續其青黃、如梨杏花紅蘋婆之類、民生寔嘉賴之。而最多者莫如棗、遠方之人亦稱新樂棗。云棗未結時、有虫食葉、則不花、虫行一步一曲、故名步曲。棗家男婦持長竿、

愚見也  
以爲然

剥遠條必虫盡而棗乃有秋亦甚費其工也年儉則所鬻  
不償其工年豐則數十倍亦有之剥棗景象不異江南採  
桑圖也詞云食稅衣租看棗枝長竿翟翟剥虫時但求步  
曲刪除盡跪向蜡神瀝酒卮新市地卑濕者怕雨高燥者  
怕旱安得不雨又不旱而者兼行使高下之人俱無憾乎  
天地耶雖有良農不謂此且歲亦俗情也詞云有錢難買五  
月旱六月連陰食飽飯試看禾下土生斑盡是勞農涇膏  
汗至秋時棉花初收價甚賤以其多也貧者出賣之以急

完糧過數日則罕而貴。主富者乃出賣之。所以地方種木  
棉者亦稱種花。詞云春日牡丹秋菊。花莫將園畝開芳華。  
但求多種木棉子。煖却連村數口家。蓋此方亦出黃絹而  
養蠶者稀。桑柘亦不多種。但村間婦女多織布。男子亦多  
織布。種地時男子種地。婦女亦多種地。九月砧杵聲。比他  
處為響亮。以布衣者多也。詞云少養蠶娘織絹黃。爭知南  
國有縹緗。舊衣不啻三梭布。敲盡砧聲對月光。蓋新市之  
俗尚猶近古如是。予為之謔。非敢謂風俗攸同。欲觀風者。



知新民之疾苦。後之蒞斯邑者。庶幾垂念之。撫循之。生聚教誨之。無愧東西京所載良吏斯可耳。

予曩以皇華駐宿。見廬物廬舍俱有荒涼之色。甚歎衝疲之邑。堪念如此。及奉使重經。則吾社凝齋為大令。而肩摩轂擊。井屋鱗如。風俗藹然。如見太古。讀此篇。覺當日景象依稀在目。益信神君之言不虛矣。邵無盡評。

存異紀

天下之事本無可異。以為異而異之。則亦從而異之。從而異之。則姑存其事紀之矣。善乎先武謂劉琨曰。前在江陵。反風滅火。後守弘農。虎北渡河。何所而致斯異。琨對曰。偶然耳。左右皆失笑。帝曰。此長者之言。子以為此寔錄裏之言。非故習為謙謹者也。戊戌歲四月二十。有五日。建鎮羅漢堂。己亥歲四月二十五日。異僧類羅漢者至。先時有从。鑄羅漢十八尊。聖僧一尊。欲輦上五臺山。至新之小寨舖。

忽重甚以數十牛拽之不前因作庵覆之久已壞矣有竊

鐵者欲毀以改鑄羅漢夜放光村之人驚覺而起竊者遁

去予一月以公務出里人白孝前來述其事予惻然心動

遂捐俸付白孝建鐵羅漢堂居之衆謂工者行汲甚遠予

指一處曰此地似宜泉掘之果得泉而甘蓋舊有井而沙

埋之也越年是月是日有神僧經過村之人異之為傳進

見其衣服容貌即古圖畫中達摩一葦渡江然其兩臂上

現浮屠佛像如雕鏤高於臂上膚上一粒許嘗聞論心者

謂心在腔子裡。又云心如蓮花。疑為妄言耳。今神僧胸次四處直空洞然。有物如菡萏狀。可手摩娑而得也。其學中國語未甚了了。可聽者什之一二句耳。云自大西天來。幾萬里。一路不裹糧。而自得食。惟禪和僧德脩能辨之云。噫善哉。此乃已證第四果位羅漢也。二月十一日。河南懷慶府遼縣人。寓主鄭捷。鄭經邦到縣。閏三月初五日。鄭生經邦自京西籍請見。初十日。鄭生捷卒於十里舖。初二生以東人株連赴京。道經新邑。予望而訝之。私謂此二人文弱。

固不類豪猾。扞文網為逋逃。藪者詢之。則敢隨淚下。果供懷慶府溫縣食飢弟子員也。為語於緹騎。得少恤焉。至部事果得白。歸抵新邑。則鄭生經邦來謁。感慰甚至。曰。非先生安知無辜。非先生至誠。亦不能取信緹騎。某當死於鞭棰。奔昭何能至。部獲白哉。又言吾叔以病少滯。至時亦當上謁。數日子以公事出。有數人倉皇跪馬首。告曰。吾輩河南鄭秀才。捷同伴。渠數日病勢甚殆。謂吾病必不起。倘得至新樂。吾不患委溝壑矣。因僱車謂御者。幸為我疾驅至。

三  
二  
一  
無  
人

新樂當償汝矣。果入境至東十里田村店。曰吾竟不得面  
林公矣。啜茶未畢而卒。予亟過視之。為襄其後事。周身悉  
備。復償其車輛。送至溫邑。於是同行者嘆曰。異哉。鄭生不  
幸而死。猶幸而知遇林公也。四月初三日。節烈韓玉蘭附  
魂於牛氏。四月十五日。韓玉蘭去。牛氏病愈。初余聞河至  
牛村鄉。先生咸在。村有媪。忽當道叫號。其子亟扶之去。且  
叩告曰。某母久病癰。語言失次。幸寬貸。村人亦多為言  
者。余曰。媪語言未為失次。特聲音似晉地人耳。呼之前。則

其此作  
月有陰  
陽主理  
在

自叙曰吾非此郡人也身為山西明汾州郡王姬韓王蘭  
國變後義不受辱以衣帶自縊今借屍還魂數殊懷數余  
謂此事古今多有之命其子脩記顛末立主祀之以安其  
魂數日鄉先生相見述其子依教而病愈因舉王罕知潭  
州時有狂嬾數訴事出言無章罕委曲徐問乃妻某氏無  
子夫死妻遂逐妻而據家資前守時屢訴不得寔因憤恚  
族狂罕為治妾而反其資嬾即愈相傳王罕治及鬼神今  
韓王蘭之事以此方之有同然者予謝不敏因言遊魂為





履善則吉氣自迎之。是村藹然猶敦古道。並蒂之生。適與地值。不亦宜乎。七月七日。五色靈芝產於東郊。十日紫芝復生於東郊。客曰。昔漢郊祀。侈靈芝如車蓋之異。以為樂章。頌於宗廟。今靈芝駢出。而氤氲之氣。蓬如縷如。旋如翔如。經緯如為煙。為霞。為雲。為初日。為舍利。色隨時轉。光隨人覩。得無異乎。余曰。煌煌靈芝。一年三秀。芝草無根。昔人或以此賢人君子。或以咏太平盛世。夫賢人君子。所謂中庸之德也。太平盛世。所謂中和之時也。子德雖薄。而幸逢

後漢書  
卷之八  
卷之八

聖人在御其駢出也。文何異焉。八月初旬邑人采木棉花。花中有螺類人形。衣冠面目鼻悉具。作黃金色。百姓傳觀稱異。喧呼為木棉仙。予謂鱗毛羽介皆以虫盡之而變現。脫化皆可以仙名之。亦不必異也。八月初六日聖殿告成。念七日聖誕。先一日朱草生於殿內。子思子神位前草初生。凡四莖。色殷然如出海珊瑚。所發萌處氣甚勃。沙隨湧起。凸如阜。其一稍脩。末捲如豆。如芝如榆莢。變化光采不可名狀。邑中父老子弟環觀者日以千數。因客以問余。

白是誌所謂朱草者也。黃帝時朱草衍於階衢。漢世祖時朱草生於水涯。比之蓂莢屈軼。猶為過之。今聖殿初成。比土之石之沙之埤之。春之甃之。皆新築基址。朱草乃茁然挺生。北方氣候甚正。茲春置閏。一逾中秋。隕霜已際。百草凋黃。此草乃苞然始榮。又適與聖誕之期。合夫朱草必以四莖者。四方之象也。其在聖化曰瑞。諸草木區以別矣。曰警諸草木。兆民允殖。生殿內則升堂入室之兆也。亦天下一家之應也。豈特一邑一時之異哉。客曰。是則然矣。然則

法要

○新○樂○亦○有○說○與○予○曰○甲○折○者○從○一○仁○而○分○也○萌○蘖○者○從○心○生○而○起○也○心○之○根○負○陰○抱○陽○含○元○以○處○遇○感○遂○生○今○邑○鄉○先○生○暨○博○士○弟○子○員○襄○成○盛○舉○於○聖○誕○也○執○愧○以○將○亦○歡○欣○鼓○舞○樂○於○斯○道○而○然○也○樂○則○生○生○而○日○新○其○出○於○新○樂○也○豈○無○說○歟○夫○錢○羅○漢○何○以○不○至○五○臺○山○而○戀○茲○地○何○以○數○十○年○始○現○光○而○動○土○人○何○以○類○羅○漢○者○逾○年○復○見○於○是○月○是○日○鄭○生○既○免○於○禍○何○不○免○於○歿○何○以○歿○而○必○至○新○邑○界○韓○姬○何○以○殉○節○而○尚○欲○留○傳○於○人○間○又○何○以○託○言○

今部  
卷二  
出

於鄉媼安其魂而卒何以去蓮芝木棉子何與朱草一時  
並現朱草何以生而適當聖誕之期皆事之不可知者皆  
事之偶然者也一物世間天人仙佛聖賢神鬼草木昆蟲  
變現俱該沙界攝總一微塵無奇特想無分別想寔無  
可異是名無異而吾與客姑存其說焉可矣

如許異事却寔寔非異然而甚異甚異余未也詳

余邑一歲中諸祥駢集天人感應異哉攷舊誌四異前  
有韓侯今有林父後先輝映信非偶然史鴻公詳

跋

曩予謁選都門所見賢士大夫  
無不交口稱林凝齋使天者卷  
正學不講明久矣見林氏君爽  
尉黃卷華云地名區林終日

不下客至則相對澁然修多去  
稍故多偏知不出皆嘖之傳之  
余方嗔當世有異人以不得親  
近問教焉歛未幾林生君刻符  
得吾鮮虞予二人羣移願之曰恆

而新民凋瘵之極庶乎民有瘳  
也鮮虞地小而衝脅而困方叔  
勦之小醜而又不克此誠風俗仁  
義之事哉及乎尹潏暨呂涉德  
後患均而民不困於公乎水害



身名利而民不苦於湯綸民以  
天倫至性而多訟為之衰心更  
建學堂克懷封守以家千年之  
因循苟且者日失君振作之士  
相與修於學校民相與譴於約

新畧相与勸於田畝三年而新  
大以昭政所發存績囂予方  
學制不錫勳聞繼任於出君而使  
君取之行實歷所日記以自考  
者一而予受而聞之然後知生

君之所以召群者以法爲折願  
其而發明動靜之學如多此也  
予益信向之七矣士大夫交口稱  
頌者蓋以哉因謀於闔邑刻以  
公去而後天誣何至再予曰天

下之慕使君不歸親近聞教者  
何昭而天下凋瘵郡邑如解雲  
者亦何昭此書一出則移顧氏  
曰惟而民之凡有瘳者皆以解  
集啓之也何臣之以君為逆也

史序

而後之持

順治庚子妻月邑人筆宗以生

史儒哲旨好題并書

後序

昔平原獻論於士衡子由亦為  
長公作和陶詩叙識者不謂阿  
其所好哲不敢遠方管賢而家  
世清白伯仲師友惟以文章自

娛風雨連床者垂三十年殆有  
近蘇氏所云哲性踈識寡家兄  
悌愛特篤每有誨誠未嘗加以  
遽辭義形於色而已故雖未能  
行深自循服焉兄嘗言曰學必

為己願必為人為己則學問皆  
求真切斷不放下虛過為人則  
鄙吝自私之病去矣曰舉華嚴  
十兆九萬五千四十八字大要  
只在行願品而童子五十三參



何等懇切容春哲自閩越來省  
兄於邑署兄以治鮮集示哲曰  
吾日用寔歷俱在是汝其求之  
哲曰進曰昔阿難為如來愛弟  
楞嚴一部佛雖為阿難說法然

頂首先所照與天下受持此經  
者皆得解脫矣今集中如行願  
說願力妙諦應有龍象呵衛動  
靜晝夜已具知識境界至於所  
言今昔風土民情利害得失無

非學之所證願之所成雖以教我恐當為世人廣度矣既而邑中士大夫見之果取以授梓而當代諸公競為皇甫亦足見哲之非阿所好者因述其說於後

竊附於平原子由之誼云爾  
順治庚子春正日第向哲謹拜  
題於鮮虞西園

